

PIMÀDJIWOWIN NAGISHKAWADJIK

Pimàdjiwowin inàkonigewin
2024-2034





TANA
KÌWIN
KESHÁ
WÁDJI
HIGÁDĒ

Tenàgàdino Odenaw apìtenindàn kikenindagwad akì eteg ondaje ànike mishomisibaneg akì ondji Algonquin Anishinàbeg.

Kichi pinawìgo agindàsowin Anishinàbeg eko taniziwàdj ondaje odojton kichi wenishishing ashidj pimàdizi pimàdjiwowin wenzikàg. Mì iye pìndjehì eteg Tenàgàdino ànikeyàdjimowin ashidj kikenindàgok.

Inònzowinkàdeg Wigwàs Mìkan, màmawe ogima-ogamigong wendamitàdjig ashidj ketziwidjig Kítigan Zibi Anishinàbeg Tanakiwining, Kákone Kizis 2023.



WENZIKÀG ISHKWA- ING

Apìch tagwàgik 2023, Tenàgàdino Odenaw ayà nawà oshki 2024-2034 pimàdjiwowin inàkonigewin, ijinikàdeg Pimàdjiwowin Nagishkawadjik.

Iye inàkonigewin nisidawinàn kichi inenindàgwad pikàn pabàmàdizi pimàdjiwowin kì enigokwag akì. Awase tagwan mino mindjiwewin nìbinaweg pimàdjiwowin Tenàgàdinong, memindage mìgwech ondji ogima-ondamitàwin ondji 2024-2027 ako pibòn.

Iye inàkonigewin kekenindamòki màwandjihidig ijichigewin nà nà nind 900 Tenàgàdinong tanakìdjig, mazinibìhigedjig, pimàdjiwowin wendamitàdjig ashidj sàbenindjigedjig wìdokàzodjig kitaniziwag. Kakina miziwe awaso emàjìkàg, Tenàgàdino Odenaw kì-ijichige ashidagindàgwad inwewinan taji Anishinàbeg wìdokàzodjig ashidj abitamodj, màdjiseg Kitigàn Zìbì Anishinàbeg (KZA) tanakìwin. Eko Wàbigon Kizis 2023, pejig iyeng tanakìwin, Lionel Whiteduck, kagige kì-inanokì mà mawì pimàdjiwowin ijichigewin odamitàwin okwìnowag. Nì nawind nìmìgwechwiyànàn kakina enigodeyang, ànìn wìdokàzo nìbina kichi mashkawok awase ijichigewin.

Awaso mazinahigan-eshkwemag mìgiwen esmàdji apìtenindagwad pimàdjiwowin ijichigewin ashidj 2024-2027 nanda ijichige mà mawè inakàg Nitam Pemàdizidjig.

Kidji nandawàbandaman mà mawè pimàdjiwowin ijichigewin ashidj inanokìwin nanda-ijichigewin (Wemitigòjìmowin eta), inàbin: gatineau.ca/politiqueculturelle



MAMÀN
DAWIN
AMOWIN

Pìndji 2023, pimàdjiwowin Tenàgàdinong Odenaw tatodamowin, màmawìhidiwin, ashidj wendjising apìtenindamowin ondji pemàdizidjig. Awase pimàdjiwowin pamìkàn mino ijichigewin kijenindan minobideg ondamitàwin awenen pejig ashidj miziwe ebitangig oditinan kidji m̀igiwedj. Mazinib̀ihigedjig ashidj pimàdjiwowin wendamitàdjig màmawe tanak̀iwin, onzika pimàdiziwin wendji mazinib̀ihige ashidj ondamitàwin. Pimàdjiwowin ojiton onakamisidon s̀ongi awiyeg iye Tenàgàdinong Odenaw kidji wasabikizodj minoseg Keb̀ak newin kichi òdenaw.



MAYA IJICHIGĒ WINAN

Iye pimàdjiwowin ijichigewin odayàn niswe inanokiwinan kijenindamowin kidji kijichigàdj Tenàgàdino Odenaw pimàdjiwowin shabwìhiyàdj ashidj kidji kwayakobedodj òdenaw ashidj kego madjibideg kidji wìdokàzodj nakag pimàdjiwowin wejichigedj.

01

Sòngizing ashidj kibwakiwasàn Tenàgàdino Odenaw kidji kikenindagok

Tenàgàdino Odenaw kikenindagok kinàbàdjigan màmwawe pimàdjiwowin ashidj ànikeyàdjimowin. Iye akì kijigabàdamen, iye ganawenindàmen ashidj kijenindàmeng, tibenindameng, pimàdjiwowin endaji ondमितàdj ashidj eji nòdjànìmizinàniwang nàsàb kaye wàbandahidinàniwan ondaje endanizidjig mazinibihigedjig miziwe mìgiweg nakàg nagadjiwin màmwawe abinàniwan ashidj pijàwadj pemàdizidjig kòne kiwewadj kichi òdenawing.

Pimijàdj Tenàgàdino Odenaw pemàdizidjig, pochagodj tasopibònezidj, odònjewidj nòngom ashidj pimàdjiwowin pìkin ashidj ondjibàhi, kidji pimàdjiwowinàwhi nigànìmigad pimàdjiwowin ijichigewin. Awase wenapadj wìdokàgemagad ayàman kikenindamàdiwin ashidj ketodamen. Wìdokodàdiwin pimàdjiwowin mànewayagàn (ojichigàn, kijitòn, tedibànìnàn pimàdjiwowin, pàpinowe inanokiwinan, kabikawan, adawewi-ogamig, ashidj keyàbadj) kagànzongek, eji wendak odàpibinàgàdeg taji pimàdjiwowin wìdokàzowin ashidj adàwewàgin.

02

Sògiziton pimàdjiwowin tanakìwin

Tenàgàdino Odenaw pimàdjiwowin todamodjig màned miyà todamowin minawàdàn pìkan pemàdiziwin ashidj kijenindamowin pimàdjiwowin wìdokàzowin. Iye kamìgiwenàniwang nisidawinàgàde shàbokà pamìhi ashidj wendji tebwenàniwang mishishinàn kidji pimàdjiwowin todamodjig, nàsàb kaye nisidawinàgàdeg ojichigàdeg inàbimewiziwin kikenindàgog kichi ganawendàgog Tenàgàdinong Odenawing.

03

Nisidawinàge ashidj wendad mìgiwàniwan àbadjitòn Tenàgàdino Odenaw pimàdjiwowin todamodjig

WAGINIGAN TIBA HIGEWIN

Apìch kanìdahiwènàn pimàdjiwòwin ijichigewin,
Tenàgàdino Odenaw oga-odapinàmàwa memindage
awasanon nànan waginigan tibahigewin.

01

Kàgige
màdjìkàg

02

Agokiwasan
Wemitigojì
Inwewin

03

Màmawìhidiwin
màmawe Nitam
Anishinàbeg

Wagidj awasinakàg pibònigan, Tenàgàdino Odenaw
kìpabàmàdizi taji màmawìhidiwin màmawe
Nitam Anishinàbeg. Kigìpagamìse ganònàdj
màmawe Kitigàn Zibì Anishinàbeg tanakìwin
ashidj wikwadjito inanokìwin kidji kikenindàgog
kà-ànikeyàdjimonàdegin ashidj nòngom Anishinàbe
Algonquin pemàdizidjig. Kedashk 11,700
Tenàgàdinong abidjig tibenindàgozig pikinong
Anishinàbe tanakìwinan. Megwadj pimàdjiwòwin,
Tenàgàdin Odenaw minawàdàn kidji sòngitodj
tibahigewin kà-odàpinègàdeg màmawe Anishinàbeg,
Kiwedìnòg ashidj Abitawizì tanakìwinan.

04

Wìdjideyamawa
ataso
tibewagenindam

05

Neninawanan
oshki inanokìwinan
ashidj oshki
ondamitàwin

WÀBAN
DAHIWE
ASHIDJ
KIKINÀ
MÀGĒ
SÀBĒNIN
DAMOWIN

Tenàgàdino Odenaw kijenindanin
nànan wàbandahiwenaniwan ondji
pimàdjiwowin kidji màdjikàg ashidateg
25 sàbenindamowin kidji kikenindan
mindjiminigedj odenaw ejichigedj.

Odayàn, wìdokodàdiwin ashidj màmwàhìdig

Kidji minoseg pimàdjiwòwin inàkonigewin kidji màneg nibina pemàdizidjig,
Tenàgàdino Odenaw odàpinàndjin oga:

**1.1 Nòndeyàbadag shòniyà, eteg ashidj nòngom
kibising ondji pimàdjiwòwin**

1.2 Ishpaton nàbowàdjigewin ashidj mizimizide
nàbowàdjigewin màmwawe kodagag

1.3 Kagazom abidjig widjideyamawadj màmwawe
kodagan pimàdjiwòwin

1.4 Kagazom kidji wàwìndamàgen ashidj kidji
mikàdjigen pimàdjiwòwin wìdokàzowin

1.5 Kagànzonigen pimàdjiwòwin koshkoziniwang
pemàdizidjig apìtiziwadj 0 ako 17

Kikinawàdjiton ashidj kidji mashkawàg tanakìwin

Kidji pì onàtòng pimàdjiwòwin anokitàgan taji sòngan Tenàgàdino Odenaw kikenindàgozi ashidj pimàdjiwòwin wikwadjito, Tenàgàdino Odenaw tòdam kidji:

- 2.1 Nagadawendàn, tebwetamòjiwe ashidj mamidonenindam Tenàgàdino Odenaw àdisòkan ashidj tibenindisiwin**

- 2.2 Tebwetamòjiwen Anishinàbe pimàjiwòwin ashidj Anishinàbe Algonquin ànikeyàdjimowin**

- 2.3 Nagadawendàn ashidj tebwetamòjiwe Tenàgàdino owemitagòjì tebenindàgwag ashidj kikenindàgozidj**

- 2.4 Kìjenindàn Tenàgàdino opimàdjiwòwin kidji mashkawàg shàbib wàkahì pimàdjiwòwin wìdokàzowin òdenàng pikàn endajìkewadj**

- 2.5 Kìjenindàn meshkawàg pimàdjiwòwin òdenawing**

- 2.6 Ashidinàn kikenindamòkì mazinibìhigewin, ombàkonigan ashidj mazinibìhigan nakàg tanakìwin wagidjehì akìng**

Ayàdjigewadj nakog meyàwisekindangig

Kidji màdjikàg meyawisekindangig minobideg pimàdjiwowin ashidinigàde tanakiwin, Tenàgàdino Odenaw odàpinàn kidji:

- 3.1 Odàpinan awase kijenindàn pimàdjiwowin adàwe-ogamigong

- 3.2 Widokàzon pimàdjiwowin nòngom wàwijitowadjing

- 3.3 Kijenindan pimàdjiwowin pinàshkawigamig ashidj enakamigag inagòdawewadj

- 3.4 Odàpinan ojichigàdeg wìdokàzowin

Widokàzowin ondji ashidj kijenindan pimàdjiwowin wendamitàdjig

Kidji minoseg ojiyàwadj ashidj kidji ganawenimàwadj wikwadjitodjig pimàdjiwowin wendamitàdjig ashidj pimàdjiwowin abinàsan ashidj adawe-ogamigong, Tenàgàdino Odenaw odàpinàn kidji:

- 4.1 Oshkìnagwad ashidj kwenàdj òdenaw shòniyà eyàbadag wìdikàzowin ondji pimàdjiwowin abinàsan

- 4.2 Eshkam animàned òdenaw shòniyà ondjiwakadjitòdjig

- 4.3 Abadjitòn ayàman òdenaw tawising ondji pimàdjiwowin abinàsan ashidj wakadjitòdjig

- 4.4 Widokàzon ojiyàwadj ombakonige inanokìwin pimàdjiwowin abinàsan

- 4.5 Widokàzon pimàdjiwowin nòsaneyan ashidj màdjiseg pimàdjiwowin oshki inanokìwinan

- 4.6 Tebwetamòjiwen ashidj minowànigozin ondaje pimàdjiwowin wendamitàdjig

Ogima ijichigewin, ànimitàgoziwin ashidj agwadjìng pimiwidodj

Kidji odàpinamen awaso nigàni, kàndinàn nakag pimàdjiwowin,
Tenàgàdino Odenaw odàpinàn:

5.1 Ashidinang pimàdjiwowin ashidj ajòdeg pimàdjiwowin
ogima-ojichigewin

5.2 Kidji sòngizi mashkawizidj mamawe Tenàgàdino Odenaw
opimàdjiwowin tanakìwin

5.3 Akwàmin nakog ashidj tìbahigan kidji oditinigàdeg
pimàdjiwowin

5.4 Tanizin mamawe pimàdjiwowin tanakìwin kidji màjikàton
agwadjìng nigàni odamitàwin



Simon Brascoupé, Wigwàs Wigwemod, kikenindamòki ojichigan ondji Place Abinan, 2016.



2024-
2027
INANO
KIWIN

Iye nitam inanokiwin ondji pimàdjiwowin ijichigewin wewenind 2024 ako 2027 pibòng. Awason mi iye inenindàgwag wechigedj inanokiwin mamawe Nitam Pemàdizidjig ke-odàpinigàdeg mamawe Kitigàn Zìbì Anishinàbeg tanakiwin ashidj Anishinàbe pimàdjiwowin wendamitàdjig Tenàgàdino Odenawing:

- Ijichigen ki-inawenindiwin mamawe Kitigàn Zìbì Anishinàbeg ashidj ojitòn nìbina inanokiwin kidji wìdokawadj wìnawa pimàdjiwowin ashidj tebendisiwin (kagige)

- Mamawe Kitigàn Zìbì Anishinàbeg ashidj Tenàgàdino Odenaw Anishinàbe tanakìwin, ayàn odaminowin ondji oshkinìgidjig ashidj kitizidjig (2026)

- Nìbina atòn mònànike nanìbikima todamonan kidji ashid ondji Tenàgàdino pemàdizidjig kikenindjigewin tanakìwin pinawìgo (2025)

- Mamawe Anishinàbe pimàdjiwowin ondamitàdjig Tenàgàdinong, mìgiwen keshàwadj pimàdjiwowin ashidj pàpino inanokìwinan (2026)

- Keyabadj màdjikàtòn ashidj agokìsidon nàbwadjigewigamig ayamodj nakog Nitam Anishinàbeg (kagige)

- Kikenindan agwadjìng eteg kinawe keminobideg mazinibìhigewin konima-gaye kikenindaman maya Anishinàbe tebendisiwin wendjising (2026)



KICHI!
KIKENIN
DAGOZI!
WADJ

Tenàgàdino Odenaw memindage mìgwechwiyan kamìgiwewadj inanokìwin kidji ijichigewin ashidj todamowin ondji Nitam Anishinàbeg:

Anita Tenasco
Lionel Whiteduck ashidj
Kitigàn Zibì Anishinàbeg kitizi
tidibà- tibàdjimowin

Celine Auclair
ashidj Chantal Lapratte taji
Nitam Anishinàbeg Oshki
Ombàkonigan

Robert Cooko
ondji Anishinàbemowin
ànikanòtamàgewin

